

# INUIT ATAQATIGIIT

## Inatsisartuni



UKA 2020 / 113  
17.11.2020  
Mikivisuk Thomassen

**Qimmit qimuttut Qeqertarsuarmiittut 2017 kingorna piaqiaasut tamarmik DNA-kkut misissortinnissaannik Naalackersuisut peqquneqarnissaannik Inatsisartuni aalajangiiffigisassatut siunnersuut. DNA-kkut misissuinerup takutissavaa qimminik akusaqalersimanersoq. Naalackersuisut peqquneqassapputtaaq qimminik akusanik nassaartoqarpap, qimmimik akusamik piginnittoq qimmiutini akusaasoq toqukkusunneraa paasiniassallugu.**

(Inatsisartunut ilaasortaq, Doris J. Jensen, Siumut)

Siullertut qujarusuppugut saqqummiussaqaartumut.

Inuit Ataqatigiinniit imaattumik oqaaseqassaagut, qimmit qimuttut Qeqertarsuarmi 2017-miit piaqqisimasut immikkut misissorneqarnissaat, qimmit qimuttut akusaasinnaanerap avataaneersumik, saqqummiisumik oqaatigineqarpoq.

Tamannalu Inuit Ataqatigiinniit isumaqarpugut qimmit qimuttut qimmeqarfimmiittut illersugaanerap inatsisitigut takuneqarsinnaammat, Naalackersuisullu akissutaanni takuneqarsinnaavoq qimmit qimuttut pillugit inatsisissap suliarineqarnera kinguartsinneqarsimasoq, Inuit Ataqatigiinniit innersuukkusupparput suliaasaq aallutequllugu.

Maluginiakkattali ilagaat qimmit qimuttut pillugit immikkut misissuisinnaaneraput periarfissaqanngitsoq tamannalu, soorunami uggornarpoq, qimmit qimuttut misissorneqassappata isumaqarpunga qimmit qimuttut tamaasa misissorneqartariaqarneranik kinguneqartariaqartoq, tamannalu qimmeqarfimmut tamanut atuuttariaqartoq immikkoortitsisoqannginnissaa pingaaruteqarluinnarmat.

Qulakkeertariaqassammat qimmit qimuttut illersugaanerap immikkoortinneqassanngimmata, tassami naluarpuput Qeqertarsuaq kisimi qulakkeerneqarsimanersoq akusaasinnaasumik peqarnerasoq, Qimmit qimuttunik periusissiaqarnissaq Kommunit akisussaaffigaaq takuneqarsinnaavoq.

Pitsaasumillu qulakkeerneqassappata Kommunit suleqatigineqarnissaat pingaaruteqarpoq kiisalu suliaqatigiit, Projekt Qimmeq, KNQK. Taakkualu suleqatigineqarsinnaanerap misissorneqarsinnaasoq ilimagilluinnarpara.

Kalaallit qimmeq qimuttoq illersorneqartuarnissaa tamatta soqutigisarigippup ilimagilluinnarpara, uanili immikkut misissuisoqarnissaa Qeqertarsuaq kisimi isiginiarneqassanngitsoq kissaatigaarput tunngavissaqannginnera takuneqarsinnaammat.

Inuit ataqatigiinniit isumaqarpugut suliaq ingerlanneqarsimasoq Naalackersuisut akissutaanni takuneqarsinnaasoq kisiannili tunngavissaqanngitsoq suliaasaq ingerlateqqinneqarnissaanup, soorunami aaqqiissuteqartoqassappat pitsaasumik, susassaqaartuni aaqqiagiinngissuteqartoqarsimappat inatsisit atuutsinneqartariaqartup, kommunillu ileqqoreqqusaat avaqqunneqarsinnaanngitsut.

Uumasut nakorsaat paasissutissanik pitsaasumik katersiiveqarnersoq paaserusussinnaavara qimmit qimuttut eqqarsaatigalugit, Naalakkersuisillu tamanna qulakkeersimaneraat paasisaqarfigerusuppara.

Qulakkeerusuppara qimmit qimuttoqarfiit immikkut isiginiarneqannginnissaat tassami pisussaaffigaarput ataatsimut isiginiarneqarnissaat, tamannalu immikkut suliaqartoqassapat immikkoortitsinertut isigineqarsinnaavoq tamannalu angorusunngeqaara.

Suliassarlu pisortaqarfiit ilaannaat peqataatinneqarsimanerat uggoraara tamannalu pissusissamissuunngitsoq takuneqarsinnaavoq Naalakkersuisut akissutaanni, isumaqarpunga taamatut ingerlaannartoqarsinnaanngitsoq akisussaaffimmik tiguisoqartariaqartoq, tassami illuinnaasiortumik sulisoqarsimagaangat angusaq pitsaasusannngimmat.

Inuit Ataqtigiinniit qulaani taaneqartut paasisaqarfigerusullugit ataatsimiititaliamut ingerlateqqinneqarsinnaanera ammaffigaarput.